

Il cuors ei gratuits per tut ils interessents da cuorsa liunga. Ei dat denton ina collecta a favur dils menaders. Ei vegn instruiu en pliras gruppas da fermezia (entscheviders / avanza) tenor annunzias. Skating e classic. Se-profitei ed emblidei buca da s'annunziar ton pli spert! Tuttas infos tier quei cuors, inclusiv la pusseivladad d'affittar material favoreivlamein, anfleis vus sin www.renisport.ch. Persuna da contact: Renato Livers. Annunzia (entochen sil pli tard mesjamna, ils 7 da schaner 2026) via mail: renato@renisport.ch. Nus selegrein sin Vossa participaziun. Amicabels salids ed in bien niev onn

Gruppa d'interess pil sport da cuorsa liunga Breil

Uniun da dunnas Danis-Tavanasa

Preavis

Nossa radunonza generala ei **venderdis, ils 30 da schaner 2026**. Tscheina allas 19.00 e radunonza allas 20.15 en l'aula dalla casa da scola Danis. Selegrein da seveser cun Vus quella sera e da star da buna cumpignia. Amicabels salids e bi Nadal.

La suprastonza

Vischinadi Vuorz ed Andiastr

Apero da Daniev

Bugen envidein nus uonn grond e pign, habitont e hosp ad in apero communabel da Daniev: Gievgia da Daniev naven dallas 16.00 sil plaz posta ad Andiastr. Nus vein previu da far niev igl apero da Daniev alternont ad Andiastr e Vuorz cun in pign program accumpignont. Tuts che han plascher da far in viva sin igl onn niev e star empau da cumpignia ein cordialmein envidai.

Vischinadi Vuorz la cummissiun



www.disentis.ch

Lubientschas da baghegiar

L'istanza da baghegiar ha concediu las suandontas lubientschas da baghegiar:

2025-1004.000 (eBau 2025-2)

Ivan e Giuanna Desax-Wetzel, Via Alpettas 22, 7180 Disentis/Mustér; Midada da project: midada da finiasstras e tgamins e midada dil mir da sustegn, parcella 1728, Via Alpettas 22, 7180 Disentis/Mustér

2025-1034.000 (eBau 2025-662)

Bergbahnen Disentis AG, Via Acletta 2, 7180 Disentis/Mustér; sanaziun e scursaniziun dil runal Gendusas Dado, parcella 2538, Via Gendusas 20 e 20a, 7180 Disentis/Mustér

2025-1052.000

Paulo Goncalves Figueiredo, Via Dulezi 17, 7180 Disentis/Mustér; sanaziun casa da pliras famiglias, parcella 613, Via Sontga Gada 2 e 2a, 7180 Disentis/Mustér

2025-1061.000

Florian Lutz-Deragisch, Via Veier 8, 7180 Disentis/Mustér; midada da diever tier garascha per maschinas da motor ed engrondir l'entrada cun ina porta rullonta, parcella 3635, Via Clavau 11, 7182 Cavardiras

2025-1073.000

Darinka e Curdin Cajacob-Steger, Via Sut Vitg 4, 7186 Segnas; niev baghetg annex vid la casa d'ina famiglia, parcella 58, Via Sut Vitg 4, 7186 Segnas

Preavis Premi Desertina

Venderdis, ils 16 da schaner 2026 surdat la vischnaunca Disentis/Mustér ils dus Premis Desertina.

Sco hosp d'honor astgein nus beneventar Armon Orlik. La surdada vegn enramada musicalmein d'in u l'auter schatg musical. Suenten la surdada offerescha la vischnaunca in aperitiv.

Nus selegrein sin stedia participaziun e sin ina biala sera.

Cumissiuin Premi Desertina

Engraziel fetg per Vies engaschi e Vossa confidonza

«Ei para adina d'esser nunpusseivel, tochen ch'igl ei fatg.»

En num dalla suprastonza communal engraziel jeu cordialmein per Vossa confidonza ed il grond sustegn duront igl onn passau. Grazia a Vossas decisziuns igl onn 2025 han impurtonts projects contonschiu il proxim pass. Quei dat anim e motivescha da s'engaschar vina-von cun tutta forza per in bien e prospereivel avegnir da nossa vischnaunca.

A tuttas persunas ch'ein s'engaschadas en ina u l'autra forma pil beinstar communal vulein nus drizzar in ferm e sincer engraziel fetg. Plinavon engraziein nus a tuttas uniuns, al commerci indigen, alla gastronomia e hotellaria sco era al mistregn per lur impurtonts survetschs. Quella gronda ed impurtonta activitad, bia gadas era voluntaria, dat veta e forza en nossa vischnaunca.

En special vulein nus era engraziar a nossas collaboraturas ed als collaboratur per lur fideivla, buna e gronda lavur. Persuenter in cordial e sincer Dieus Paghi. Communablamein e cun tschaffen serendin nus el futur. Cun perschuasziun, curascha e plascher. Nossa vischnaunca ha bunas perspectivas. Bials, interessants ed impurtonts projects spetgan nus. Lein aschia mirar anavon, cun energia, bia dinamica, cun entusiassem e cunzun da cuminonza. Unitad dat forza.

En quei senn giavischel jeu a Vus tuts, preziadas vischinas, stimai vischins, da cor bialas e benedidas fiastas da Nadal el ravugl da Vossa famiglia e pigl onn niev tut mo il bien, bia plascher, cuntentientscha e cunzun buna sanadad.

En num dalla suprastonza communal, René Epp, president communal

Temps da spurtegl sur Nadal e Daniev

L'administraziun communal resta serrada naven da **mesjamna, ils 24 da december 2025 entochen gliendisdis, ils 5 da schaner 2026**.

Nus giavischein ina biala fiasta da Nadal ed in bien e sanadeivel onn 2026.

Administraziun communal

Center da rimnada a Raveras

Temps d'avertura sur Nadal e Daniev

Mesjamna, ils 24 da december 2025

Gievgia, ils 25 da december 2025

Venderdis, ils 26 da december 2025

Mesjamna, ils 31 da december 2025

Gievgia, igl 1. da schaner 2026

resta il center da rimnada a Raveras serraus.

Ils ulteriurs dis ei il center aviarts sco usitau.

Bien engraziament per Voss'enconuschientscha.

Uffeci da baghegiar ed infrastruttura

Digitalisaziun dallas cartas da parcar

Naven digl onn 2026 vegnan las cartas da parcar fisicas abolidas pass per pass. Egl avegnir vegnan las lubientschas da parcar registradas ed administradas digital sur l'app ParkingPay. Quei pertucca las cartas da parcar permanentas, sco era las cartas da parcar per visitaders.

Regulaziun transitorica:

- cartas da parcar valeivlas sin pupi, restan valeivlas tochen ch'il datum da spiraziun croda
- ina prolungaziun ni ina nova carta da parcar, dat ei naven dall'entschatta digl onn 2026 mo pli digital

Avantatgs dalla sligiazziun digitala:

- ei drova neginas cartas da pupi ni taccaders pli
- semplra prolungaziun dalla lubientscha online ni entras l'app

Tgei ei da far?

- sche Vus haveis ina carta valeivla, stueis Vus far nuot per il mument
- per ina nova carta da parcar ni ina prolungaziun naven digl onn 2026, supplichein nus da midar ad uras sin la sligiazziun digitala

Per ulteriuras damondas stat l'administraziun communal bugen a Vossa disposiziun.

Nus engraziein per Vossa capientscha e Vies sustegn en connex cun quella midada sin quei sistem ecologic ed actual al temps.

Administraziun communal

Temps d'unviern – Restricziuns da carrar e mesiras da segitad

Vias da funs, cultivaziun ed uaul

Duront il temps d'unviern eis ei scumandau da carrar cun tuts vehichels sin las vias da funs, cultivaziun ed uaul. Quei scamond vala mintgamai naven dils 15 da december entochen la fin da mars, respectivamein naven dil mument che las vias ein cuvretgas cun neiv. Rumir vias ei scumandau.

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl emprem da december 2025 entochen Pastgas 2026. Il bandunar sendas da viandar d'unviern e rutas da gianellas signalisadas, ni vias rumidas da neiv e tut semover ordeifer la zona da baghegiar succeda sin atgna responsablada. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet vias.disentis.ch. Nus supplichein da prender enconuschientscha da questas directivas e giavischein in bi temps d'unviern. Bien engraziament per la capientscha ed observaziun.

Suprastonza communal

Informaziun plaz scola Segnas

Il plaz da scola Segnas vegn duvraus naven da immediat sco fermada uffiziala pigl auto da posta. La fermada vegn frequentada da tut temps.

Nus supplichein tuttas visitadras e visitaders dalla scola da Segnas da risguardar las marcaziuns sil plaz da scola da tut temps e buc impedir la fermada cun vehichels. Engraziel per prender enconuschientscha.

Uffeci infrastruttura Disentis/Mustér

Controlla da habitonts

Mortori

Christian Duff-Mathiu, naschius ils 8 d'avrel 1933 e morts ils 13 da december 2025

Naschientscha

Yael Malea Monn, naschida ils 14 da december 2025, feglia dad Andrea e Remo Monn-Deflorin

Administraziun communal

Cantar dils retgs 2026

Ils sogns Retgs e las sontgas Reginas dalla tschunavla e sisavla classa da Mustér semettan era uonn sin via per visitar convischins e convischinas da Mustér. Els/ellas speran d'astgar legrar e delectar biars cun lur viseta e cant. Lur tur entscheivan els/ellas mintgamai allas 15:00 uras. Ina gronda part dil recav va en favur dalla Fundaziun Urpi Wasi a Cusco (Peru), la quala vegn menada dapi 35 onns da Barbara Casanova oriunda da Sursaiassa. Ella porscha als affons in liug segir senza violenza e s'engascha plinavon per lur educaziun per che lur mummas sappien sededicar alla tscherca da paun e fadigia (urpi-wasi.com). L'autra part va en favur dallas scholaras ed ils scholars dalla scola populara Mustér.

Gievgia, ils 1 da schaner 2026

gruppa 1: Cavardiras, Pardomat, Madernal, Faltscharidas, Sontget
gruppa 2: S. Gions, Catins, Raveras, Giudem Cons
gruppa 3: Via Dulezi, Via Pervenda, Cuppa, Funs-Dadò

Venderdis, ils 2 da schaner 2026

gruppa 1: Carcarola, Davos-Mustér, Via Sursilvana, Via Cavardiras, Suls Orts
gruppa 2: Mumpé-Medel, Clavaniev, Caschuarz, Latis, Cons-su
gruppa 3: Mumpé-Tujetsch, Aletta, ca. 18.30 cantar el vitget dalla REKA, Funs
naven dallas 19:00 cantar ellas ustrias part 1

Sonda, ils 3 da schaner 2026

gruppa 1: Acla da Fontauna, Sax, Cuoz, Buretsch, Via Denterpraus
gruppa 2: Peisel, Segnas
gruppa 3: Disla, Chischliun, Scaletta
19:00 cantar duront messa en baselgia a Segnas
naven dallas 20:00 cantar ellas ustrias part 2

Dumengia, ils 4 da schaner 2026

11.00 cantar duront messa a Mumpé-Medel
ca. 15.00 viseta e cantar ella casa PUNTREIS
gruppa 1: Via da Scola
gruppa 2: Gonda, Via S. Gada
gruppa 3: Cons-sut, Via da Scola
17:00 devoziun en baselgia s. Gions e cantar
18:45 cantar duront messa en baselgia da Nossadunna

Evang.-Ref. Kirchgemeinde Cadi

Historia da Nadal en canzuns, mesjamna, ils 24 da december 2025 allas 17.00. Sera Sontga cun la historia da Nadal en canzuns da Nadal cun Pfr. Christoph Zingg e musica: Regina Wilms

Heiliger Abend mit der Weihnachtsgeschichte in Weihnachtsliedern, Mittwoch, 24. Dezember 2025, 17 Uhr im Gemeindezentrum Aua Viva. Die Weihnachtsgeschichte in Weihnachtsliedern mit Pfr. Christoph Zingg und Musik: Regina Wilms

Suentermiezdi da cant cun Regina Wilms

Il suentermiedi da cant cun Regina Wilms sentaupan umens e dunnas che han plascher da cantar. Il plascher da canzuns preferidas, mo era da tuns novs e melodias nunenconuscentas. Da dur ni Moll, vegli ni niev, piano ni ferm, plaun ni en galop, engles ni latin... Regina Wilms s'ellegra sin in suentermiezdi cun fatschas e vusch enconuscentas e fatschas novas. **Sonda, ils 3 da schaner 2026** el center communal Aua Viva dallas 14.00–17.00.

Singnachmittag mit Regina Wilms

Am Singnachmittag mit Regina Wilms treffen sich Frauen und Männer, die Freude haben am Singen. Die Freu-

de haben an vertrauten Gesängen und ihren Lieblingsliedern, aber auch an neuen Tönen und unbekannten Melodien. Ob in Dur oder Moll, ob alt oder neu, ob piano oder forte, ob langsam oder im Galopp, ob Englisch oder Latein... Regina Wilms freut sich auf einen schwungvollen Nachmittag mit bekannten Gesichtern und Stimmen und vielen neuen Mitsingenden.

Samstag, 3. Januar 2026 im Gemeindezentrum Aua Viva von 14–17 Uhr.

Biblioteca populara Disentis/Mustér e contuorn

Adatg!

Muort in'occurrenza interna resta la biblioteca serrada **venderdis, ils 19 da december 2025**. Bien engraziament per Vossa capientscha. Wegen internen Anlasses bleibt die Bibliothek **Freitag, 19. Dezember 2025** geschlossen. Wir danken für Ihr Verständnis. *Il team dalla biblioteca*

Chor Baselgia Segnas

Exposiziun Art e sentupada Segnas

Gia per la 21avla gada organisein nus per Vos nossa sentupada d'art ell'anteriura casa da scola Segnas. Da veser ein ovras da Laurencia Cajacob, Leo Condrau, Anna Maria Fry, Simona Hendry, Luzia Jacomet-Frey e Linus Flepp. L'exposiziun ei aviarta ils **21 da december, 26 da december, 28 da december**, mintgamai 14.00 – 18.00.

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev **gliendisdis, ils 29 da december 2025** naven dallas 16.00 en halla Cons. Igl aperitiv vegn offerius cun sustegn dalla vischnaunca. Nus selegrein sin stedia participaziun ed in interessant ed ispiront scomi da meins. *Cuminonza d'interess da proprietaris da habitaziuns secundaras Interessengemeinschaft Zweitwohneigentümer Disentis*

Informaziuns

Ina sepultura s'auda tier la veta, en special tier nus attempai. Perquei stuein nus mintgaton stuschar ina da nossas occurrenzas. Sperel che tuts e tuttas hagian capientscha.

Preavis

Gievgia, ils 8 da schaner 2026 - film Giacometti vi Salaplauna (per nus suentermiezdi).
Gievgia, ils 22 da schaner 2026 – gentar Caischavedra.
Mardis, ils 10 da fevrer 2026 – il referat: Segirtad ella vegliadetgna» polizia cantunala che nus havein stuieu stuschar! Las invitaziuns suondan!
Nus admettein a vos tuttas/tuts in grond engraziament per vossa participaziun.
Giavischein in bi Nadal e per 2026 mo il meglier, en special buna sanadad! *Team SENTORA-CA*



Damonda da baghegiar

Nr. 2025-0021

Di da publicaziun: Venderdis, ils 19 da december 2025

Petent: Sara & Pablo Cadruvi
Via Paliu 25, 7153 Falera
Architect/ DARMS HOLZBAU AG
Representant: Via Principala 2 7137 Flond

Baghetg: Engrondiment dalla garascha
Parcela/zona: 346 | Dorfzone
Quartier/Via: Via Paliu 25.1
Termin d'exposiziun: 19.12.2025 – 08.01.2026

Protestas:

Concernent il dretg public ein da far a scret duront il temps d' exposiziun alla suprastanza communal. Investa dils plans sa vegnir priu sin canzlia communal | Uffeci da baghegiar Laax, Center Communal, 7031 Laax.

Baugesuch

Nr. 2025-0021

Datum der Publikation: Freitag, 19. Dezember 2025

Gesuchsteller: Sara & Pablo Cadruvi
Via Paliu 25, 7153 Falera
Architekt/ DARMS HOLZBAU AG
Vertreter: Via Principala 2 7137 Flond
Bauvorhaben: Erweiterung Garage
Parzelle/Zone: 346 | Dorfzone
Quartier/Strasse: Via Paliu 25.1
Auflagefrist: 19.12.2025 – 08.01.2026

Einsprachen:

Öffentlich-rechtliche Einsprachen schriftlich während der Auflagefrist zuhänden des Gemeindevorstandes einzureichen. Die Pläne können auf der Gemeindeverwaltung | Bauamt Laax, Center Communal, 7031 Laax eingesehen werden.

Canzlia communal – Temps d'avertura sur Nadal e Daniev

La canzlia communal stat **serrada** ils suandonts dis: mesjamna, ils 24 da december 2025
gievgia, ils 25 da december 2025
venderdis, ils 26 da december 2025

mesjamna, ils 31 da december 2025
gievgia, igl 1. da schaner 2026
venderdis, ils 2 da schaner 2026

La suprastanza communal

Gemeindekanzlei – Öffnungszeiten über Weihnachten und Neujahr

Die Gemeindekanzlei bleibt an folgenden Tagen **geschlossen**:

Mittwoch, 24. Dezember 2025
Donnerstag, 25. Dezember 2025
Freitag, 26. Dezember 2025

Mittwoch, 31. Dezember 2025
Donnerstag, 1. Januar 2026
Freitag, 2. Januar 2026 *Der Gemeindevorstand*

Midada dil quintader dil current electric

Tenor l'ordinaziun federala davart il provediment d'electricitad (OPrEl/734.71) ein tut ils gestiunaris da reits d'electricitad obligai da provider indrezs da miserar cun quintaders dil current electric intelligents en lur intschess entochen fin 2027.

La Repower SA intenda da midar ora ils quintaders dil current electric cun indrezs conforms all'ordinaziun naven dil schaner 2026 entochen igl zercladur 2026. La midada dils quintaders vegn exequida dalla esolva SA e dalla cablex SA.

Duront la midada dils quintaders sto il provediment d'electricitad vegnir interruts. L'interrupziun duront il temps indicau sa cuzzar entochen in'ura. Haveis Vos damondas?